



Vereniging tót instandjhaojing van de Limburgse dialecten en volkscultuur

Nuutsbreef, januari 2026

Bèste Veldeke minse,

1. Seniorenparade van CV de Aester.

Het Jaorprogramma 2026 woor al klaor en 't Veldeke Bekèt al bie de drökker wie w'r berich kregte van vastelaovesvereniging "de Aester" det zie de vetroewdje senorenparade weer gaon aanbeje. Ze gaon hieväör weer trök nao de zaal van de Royal Service Bioscoop, mit zitplaatse.

Tót aan de coronaperiode woor Veldeke Krink Ech eder jaor 'ne vaste bezoekersgroep: minse die allein neet nao zo'ne bóntje aovendj zoewe gaon, sjreve zich in en wiste dao minse te treffe die ze kèndje en in 'ne plezierige mer neet al te oetbundige sfeer. Noe "de Aester" dit weer aanbeutj, wille weer dao gaer gebroek van make. W'r haope det de belangstèlling ouch bie uch zal zeen.

De Senioren-Aesterparade 2026 zal zeen **op dónderdig 5 februari**; begintj óm 19.00 oer en zal tót óngevieër 22.33 oer doere. En vöör o.a. Veldeke geldtj 'ne speciale pries! Het programma bestuitj oet de vertroewdje mix van gooj en bekèndje artieste wie: de Jónge van de Zank, 'N dance, Meister Martijn, Thei en Marij en 'n buut van Har Daniëls. En daobie natuurlik de prinse en hunne aanhank. Al mit al genóg óm 'ne sjoane aovendj van te make.

Wiltj g'r aan dees activiteit deilnumme den kan dit op de bekèndje meneer: 't bedraag van 8 euro p.p. äörvermake op 't nummer van de penningmeister VKE: NL65 RABO 0138 6319 64 mit vermeldje van naam, Ildnummer of adres en 't aantal kaarte. G'r krig gein berich trök, behalve es 't oetverkoch zoe zeen. Es g'r betaaldj höbtj, meltj g'r uch op de aovendj zelf in de foyer van Royal bie ein van de bestuursleje van VKE. Kómtj oppertied, want d'r kenne gein plaatse waere vrie gehaoje! De zaal is aoep vanaaf 18.30 oer.

2. Floortje veertj ouch weer Vastelaovendj.

Väörig jaor is 't nuuj (vöör-)laesbeukske vöör kènjer, "Floortje veertj Vastelaovendj" oetgekómme en mit vööl plezeer óntvange. Oet dit beukske kan m'n jóng kènjer vöörleaze en tegeliekertied informere äöver dit cultureel volksfies. 't Beukske is gesjreve in Limburgs dialect, wobie Piet Aben en Ton van Wegberg de hertaling nao 't Echs op zich höbbe genómme. In 't verhaol en mit de kluerige teikeninge waere de kènjer mitgenómme in 't gans vastelaovesgebäöre. 't Beukske zal ouch dit jaor weer te koup zeen bie de Veldeke-verkoupuntje, zoalang es vöörraad is.



3. Vastelaovesmonumente

De in oos lèste Veldeke Bekèt aangekondigdje ieëste activiteit in 2026 mót door ómstandiheje verplaatsj waere. De datum blif hetzelfde n.l. 21 januari, mer kan neet in de Pejjeshaof plaatsvènje. Weer óntvange uch gaer in de naeve-liggendje Fanfarezaal “Lei van Neer”. De ingank daovan is neet vanaaf de Houtstraot, mer vanaaf de parkeerplaats bie de Lidl. Rechts van dae super, loupjt g’r äöver ’t paad nao de zaal.

4. Veldeke Bekèt neet gekrege?

Dit berich is mit name vääor degene die VB per pos gestuurdj kriege, boete Ech-Zöstere dus. Nao eder oetgave kriege w’r van PostNL waal ’n paar beukskes trök ómdet die neet afgeleverdj zoewe kènne waere, ómdet ’t adres neet kloptj. Ómdet op de bekètjes zelf vanaaf aafgeloupe jaor gein adres mieë gedröktj stuitj, wete weer soms neet van waem det trök is gekómme en waem dus gein kwartaalblaad haef óntvange.

Went geen gein Veldeke Bekèt höbtj gekrege, wiltj g’r den zelf effe reagere? En vergaetj estebleef neet ’n nuuj adres door te gaeve es det is verangerdj is. G’r kèntj ’n nuuj Veldeke Bekèt trouwes altied inkieke via de website www.veldekekrinkech.nl / nuuts.